

6. Aðalfund skal halda í mars eða apríl ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi þess á næsta ári. Þá skal hún leggja fram endurskoðaða reikninga félagsins og úrskurðar fundurinn um þá.
7. Reikningsár félagsins er almanaksárið. Stjórninni ber að færa reikningana í gerðabók sem henni er skylt að halda, svo og samþykktir félagsins, félagaskrá, arðskrá, fundargerðir og bréf.
8. Arði af sameiginlegri veiði skal skipt niður á félagsmenn samkvæmt arðskrá. Félagsmenn greiði gjöld til félagsins í sömu hlutföllum og þeir taka arð.
9. Brot á samþykkt þessari falla undir réttarfars- og refsíákvæði gildandi laga um lax- og silungsveiði.

Samþykkt þessi staðfestist hér með samkvæmt 52. gr. laga nr. 76 25. júní 1970 um lax- og silungsveiði, með síðari breytingum, til þess að öðlast þegar gildi og birtist til eftirbreytni öllum þeim sem hlut eiga að máli.

Landbúnaðarráðuneytinu, 14. janúar 1999.

Guðmundur Bjarnason.

Hjördís Halldórsdóttir.

8. janúar 1999

Nr. 53

REGLUR

**um breytingu á reglum um mat á áhættugrunni
við útreikning á eiginfjárlutfalli lánastofnana
og fyrirtækja í verðbréfaþjónustu nr. 348/1996.**

1. gr.

Við 2. gr. bætist eftirfarandi skilgreining:

Samningsbundin skuldajöfnun (e. contractual netting): Samningur milli tveggja eða fleiri aðila sem eiga eina eða fleiri kröfur hver á annan um að í stað þess að gera upp hverja kröfu sérstaklega, skuli láta kröfurnar jafnast hverja á móti annarri og aðeins nettómismunur (*jaðargreiðsla*) komi til uppgjörs og greiðslu.

2. gr.

1. ml. undir *Aðferð 1 (markaðsvirði)* í 1. mgr. 14. gr. hljóði svo:

Samkvæmt þessari aðferð skal útlánaígildi afleiðusamninga reiknað út með því að leggja saman endurnýjunarkostnað afleiðusamninga með jákvætt gildi annars vegar og framtíðaráhættu afleiðusamninga hins vegar. Þegar um er að ræða vaxtaskiptasamninga á breytilegu gengi í einum gjaldmiðli er eingöngu reiknaður endurnýjunarkostnaður en ekki framtíðaráhætta við útreikning á útlánaígildi.

3. gr.

Við 14. gr. bætast eftirfarandi málsgreinar, sem verða 3.-5. mgr. og hljóði svo:

Við útreikning á eiginfjárlutfalli er lánastofnunum og fyrirtækjum í verðbréfaþjónustu, heimilt að taka tillit til samningsbundinnar skuldajöfnunar vegna samninga sem taldir eru upp í 16. gr.

Heimild samkvæmt 3. mgr. er bundin eftirfarandi skilyrðum:

1. Stofnunin hafi gert samning um skuldajöfnun við mótaðila sinn þannig að ný lagaskylda stofnist sem taki til allra viðskipta sem undir samninginn falla og ef mótaðili stendur ekki við skuldbindingar sínar vegna vanefnda, gjaldþrots, félagsslita eða annarra viðlíka aðstæðna, eigi lánastofnun aðeins rétt til að krefjast greiðslu eða beri skylda til að greiða nettófjárhæð í umræddum viðskiptum.
2. Samningar samkvæmt 1. tl. skulu ávallt hafa fullgilda lagastoð hvað varðar efni og réttaráhrif í því ríki eða þeim ríkjum sem aðilar samningsins hafa skráð aðsetur. Sama á við ef erlent útibú fyrirtækis á í hlut. Viðkomandi stofnanir skulu afhenda Fjármálaeftirlitinu gögn þar að lútandi, staðfest af lögbærum yfirvöldum í því ríki sem mótaðili samkvæmt samningnum hefur skráð aðsetur.

Við útreikning á útlánaígildi samningsbundinnar skuldajöfnunar skal beitt markaðs-virðisaðferð sbr. 1. mgr. Sé um að ræða framvirka gjaldeyrissamninga og aðra sambærilega samninga, þar sem reiknaður höfuðstóll samsvarar sjóðstreymi, er við útreikning á fram-tíðarútlánaáættu eingöngu heimilt að taka mið af einstökum nettófjárhæðum, þegar fjárhæðir sem krafist er eða greiða á falla í gjalddaga á sama gildisdegi og í sama gjaldeyri.

4. gr.

Viðauki II hljóði svo:

VIÐAUKI II

Listi yfir opinber fyrirtæki og stofnanir á Íslandi, sbr. tölulíð 2. c. í 1. mgr. 12. gr. reglnanna o.fl.

Þau fyrirtæki sem hér eru talin upp geta fyrirvaralaust fallið út af listanum, uppfylli þau ekki lengur þau skilyrði sem fram koma í skilgreiningu 2. gr. reglnanna.

Áhættuvog 0.0:

Ríkissjóður
Seðlabanki Íslands
Landsvirkjun

Áhættuvog 0.2:

Flugmálastjórn
Hitaveita Suðurnesja
Lánasjóður sveitarfélaga
Orkubú Vestfjarða
Rafmagnsveitur ríkisins
Ríkisspítalar
Sjúkrahús Reykjavíkur
Vegagerð ríkisins
Þróunarsjóður sjávarútvegsins
Önnur opinber fyrirtæki og stofnanir sem falla undir skilgreiningu 2. gr. reglnanna samkvæmt skriflegri yfirlýsingu Fjármálaeftirlitsins.

Áhættuvog 1.0:

Öll önnur opinber fyrirtæki og stofnanir sem ekki uppfylla skilyrði skilgreiningar 2. gr. reglnanna.

5. gr.

Reglur þessar eru settar með heimild í 1. mgr. 54. gr. laga nr. 113/1996, 10. gr. laga nr. 123/1993 og 1. mgr. 32. gr. laga nr. 13/1996 og öðlast þegar gildi.

8. janúar 1999.

*Fjármálaeftirlitið,***Páll Gunnar Pálsson.****Ragnar Hafliðason.**

REGLUGERÐ

**um breytingu á reglugerð um holræsagjöld
í Hafnarfirði nr. 507/1975, sbr. reglugerð nr. 659/1994.**

1. gr.

3. mgr. 1. gr. reglugerðarinnar, sbr. reglugerð nr. 659/1994,

Af öllum fasteignum, sem greiða ber af holræsagjald skv. 1. mgr., skal greiða holræsagjald sem nemur allt að 0,20% af heildarfasteignamati eignarinnar, þ.e. af mati mannvirkja ásamt mati lóðar.

Reglugerð þessi sem samin er og samþykkt af bæjarstjórn Hafnarfjarðarkaupstaðar staðfestist hér með samkvæmt X. kafla vatnalaga nr. 15/1923 til þess að öðlast þegar gildi.

Félagsmálaráðuneytinu, 8. janúar 1999.

F. h. r.

Sesselja Árnadóttir.

Þórhallur Vilhjálmsson.

SKIPULAGSSKRÁ

**fyrir Minningarsjóð hjónanna Málfríðar Guðbjartsdóttur
og Hákonar Jónssonar.**

1. gr.

Minningarsjóður hjónanna Málfríðar Guðbjartsdóttur og Hákonar Jónssonar, fyrrum ábúenda á Hnjóti í Örlygshöfn, er stofnaður af syni þeirra Guðmundi Jóni Hákonarsyni, kt. 110110-4219, Böllum 6 á Patreksfirði, sem áður var búsettur á Hnjóti. Heimili sjóðsins og varnarþing er á Patreksfirði, Vesturbyggð.

2. gr.

Tilgangur sjóðsins er líknarstarfsemi innan Vesturbyggðar í V-Barðastrandarsýslu eða innan V-Barðastrandarsýslu verði sveitarfélögin í sýslunni gerð að einu sveitarfélagi. Skulu styrkir úr sjóðnum veittir sem hér segir:

- 1) Til fátækra fjölskyldna eða einstaklinga þar sem fátækt stafar af örorku eða ill- eða ólæknandi sjúkdómi.
- 2) Til munaðarlausra barna sem ekki njóta öruggrar framfærslu.